

專候玉童請

夜行船

秘奧豈愁天地管處玄機故然貧懶守服環墻高而不短馬風
性無寒暖 常熱心香慵執卷師恩報何時願滿功行周圓得
歸銀漢雲步向前相趕

菊花新

碧洞深藏真景致黃白花開金玉異不住有祥雲甘露降瑞中
增瑞 孟嘉帽落陶潛志又爭知這頭瞻視日日慶重陽功行
滿六銖衣賜

鍊丹砂

道藏輯要

漸悟集

三

胃集七

天水翔雲菴遠勝精藍雲朋霞友日常參恰似栽松招引鶴豈
是貪婪 若肯悟清談管有香甘田園分付與兒男欲住蓬瀛
先改作落魄婪魍

化生兒

和重陽真人

得遇忻然別東州訪地肺恣遨遊水雲自在沒憂愁這攀緣愛
念休 保護根元二尾牛運玉汞倒顛流金丹結正不持修闡
玄談般若舟

臨江仙

乞覓殘餘真活計無羞無恥無榮捨身豈是喂飢鷹亦非爲虎

食不著假身形 萬種塵勞齊放下自然神氣靈靈心猿意馬
兩停停無緣沈苦海有分看蓬瀛

長安新出家者

此箇隴西明大道看來俗累難拘報予天水慕清虛彭城歸正
覺割愛後來間 更有段公明慧性悟來巧變癡愚山侗聞得
證無餘忻然如大醉認得本來如

贈鳳翔酒郎中

杜康造底昔日文君當爐沾底騫想古來畢卓親曾偷底是劉
伶十分偏愛底 帝前李白曾吐底樂巴起慈救火遙嘆底司
馬相公常常專專誠底又爭知是郎中貴姓底

道藏輯要

漸悟集

三

晉集七

南柯子

贈陳三翁

在俗非爲俗居塵不染塵如蓮不著水之因萬卉千花一葉不
沾身 營養心中性修完身內神各人了了繼何人龐老全家
拔宅許眞君

予戒酒肉茶果久矣特蒙公見惠梨棗就義亂道一篇

悟徹梨和棗甯貪酒與茶我今雲水作生涯奉勸依予早早早
離家 我得醉醒趣君當生死趨同予物外鍊丹砂九轉功成
步步步煙霞

自誠